




Leksyon 10
Septyember
5, 2026

TINOOD NGA KRISTOHANONG PAG MINISTERYO

**"Gipig-ot kami sa tanang paagi, apan wala kami madugmok;
nalibog kami, apan wala kami mawad-i sa paglaum; gilutos
kami, apan wala kami pasagdi; gipukan kami, apan wala kami
malaglag; kanunay namong gidala sa among lawas ang
kamatayon ni Jesus, aron ang kinabuhi usab ni Jesus
mapadayag diha sa among mga lawas."— 2 Corinto 4:8-10**



Kinsa man ang nagaingon nga komportable ang kinabuhi sa usa ka pastor? Ang mga ministro sa ebanghelyo nagpas-an ug dakong responsibilidad, ug ang ilang buluhaton dili usab walay mga peligro.

Ang gugma alang sa mga kalag nga nagkawala, ug ang malumo nga pag-atiman nga kinahanglan nilang ihatag aron mapalig-on ug mapatubo ang mga nakadawat na sa ebanghelyo, mao ang nagpalahi sa tinuod nga mga ministro gikan sa mga mapintas nga lobo.

Sa dihang ang iglesia makigtambayayong sa iyang mga ministro ug maghimo ug lig-on nga mga kausaban sa estilo sa kinabuhi, mahimo kini nga usa ka galamiton sa pagpasig-uli nga naghatag ug kahupayan ug kalipay ngadto sa tanan.



ANG BULUHATON SA PASTOR

Takos nga mga Ministro

Mga Peligro sa Ministeryo

ANG MGA KATUNG DANAN SA MGA MIYEMBRO

Mga Embahador sa Pagpasig-uli

Ang Tawag ngadto sa Pagkabalaan

ANG RESULTA SA HIUSANG PANINGKAMOT

Kahupayan ug Kalipay



ANG BULOHATON SA *PASTOR*

TAKUS NGA PAG MINISTERIO

"Kamo mismo mao ang among sulat, nga gisulat diha sa among mga kasingkasing, nga nailhan ug mabasa sa tanang tawo."— 2 Corinto 3:2

Adunay mga butang nga dili kaayo mausab bisan molabay ang panahon. Ang mga sulat sa rekomendasyon hangtod karon makatabang gihapon sa pag-abli sa mga oportunidad, sama sa ilang nahimo kaniadto sa unang siglo. Kinahanglan ba si Pablo ug sulat sa rekomendasyon aron dawaton siya sa iglesia sa Corinto?— 2 Corinto 3:1

Si Pablo adunay labing maayong sulat sa rekomendasyon nga mahimo niyang ipakita: ang mga taga-Corinto mismo.— 2 Corinto 3:2

Si Pablo ug ang iyang mga kauban “takos ingon nga mga ministro sa bag-ong tugon”— 2 Corinto 3:6 Usa kini ka mahimayaong tugon, nga gisulat sa Espiritu diha sa kasingkasing alang sa kinabuhing walay katapusan.

Apan adunay uban nga nagsunod sa laing paagi—nga daw ang kaluwasan makab-ot pinaagi sa mga buhat sa Balaod nga gisulat sa bato. Tungod niini, wala nila hingpit nga makita ang himaya sa grasya sa Dios.— 2 Corinto 3:7–9



MGA PELIGRO SA MINISTERYO

"Kining tanan alang sa inyong kaayohan, aron samtang ang grasya sa Dios nagaabot ngadto sa nagkadaghan nga mga tawo, modagaya usab ang pagpasalamat alang sa himaya sa Dios."— 2 Corinto 4:15

Nasabtan ug giantos ni Pablo ang mga peligro sa ministryo. Apan nahibalo siya nga takos kining antuson, ug iyang gidala kini tungod sa iyang gugma sa mga tawo nga iyang gihatagan ug kahigayonan nga makab-ot ang kaluwasan (2 Corinto 4:15). Dugang pa, aduna siyay kasigurohan sa tabang sa Dios (2 Corinto 4:7–9):

KAMI...

Giipit sa Tanang Bahin

Nalibog

Gilutos

Gipokab

APAN...


Wala Madugmok

Wala mawad-an ug Paglaum

Wala Pasagdi

Wala malaglag

Ang ebanghelyo giwali pinaagi sa mahuyang ug limitado nga mga tawo, aron ang himaya mahatag lamang ngadto sa Dios. Ang mga pag-antus usa lamang ka “gaan nga kasakit nga sa makadiyot lamang” kon itandi sa “labing dako ug walay katapusang kabug-aton sa himaya” nga atong madawat sa adlaw sa pagkabanhaw.— 2 Corinto 4:14–18



**ANG MGA KATUNGADAN SA
MGA MEMBRO**

MGA EMBAHADOR SA PAGPASIG-ULI

"Kining tanan gikan sa Dios, nga pinaagi kang Cristo nagpasig-uli kanato ngadto sa Iyang kaugalingon ug naghatag kanato sa ministryo sa pagpasig-uli."— 2 Corinto 5:18

Ang gahum nga kinahanglan magdumala sa kinabuhi sa iglesia, ug sa matag miyembro, mao kini: "Kay ang gugma ni Cristo nag-aghat kanamo."— 2 Corinto 5:14 Unsa man kining gugmaha, ug unsa ang ginapugos niini kanato nga buhaton?

Si Cristo mihatag sa Iyang kinabuhi tungod sa gugma. Tungod niini, kita giawhag nga mabuhi alang Kaniya. —
2 Corinto 5:14–15

Gihimo kita ni Cristo nga bag-ong mga binuhat. Tungod niini, kita giawhag nga biyaan ang atong daang kinabuhi—
2 Corinto 5:17

Gipasig-uli kita ni Cristo ngadto sa Dios. Tungod niini, kita giawhag nga mahimong mga embahador sa pagpasig-uli.—
2 Corinto 5:18–20

Busa, ang gugma ni Cristo nagdala kanato ngadto sa usa ka hingpit nga kausaban sa kinabuhi. Ang pagkinabuhi diha sa gugma ni Cristo nagdasig usab kanato sa pagpaambit niini nga gugma ngadto sa uban, ug sa pag-awhag kanila sa pagdawat sa mensahe sa paglaum: "Pagpasig-uli kamo ngadto sa Dios."— 2 Corinto 5:20



ANG TAWAG SA PAGBALAAN



“Busa, tungod kay aduna kita niining mga saad, mga hinigugma, hinloan nato ang atong kaugalingon gikan sa tanang butang nga makahugaw sa lawas ug espiritu, ug hingpitan nato ang pagkabalaan diha sa pagtahod sa Dios.”— 2 Corinto 7:1

Pinaagi sa paghiusa sa nagkalainlaing mga teksto gikan sa Daang Tugon, gisumada ni Pablo ang tawag ngadto sa pagkabalaan ug ang mga sangputanan niini.— 2 Corinto 6:16–18

Ang tawag ngadto sa pagkabalaan adunay epekto sa adlaw-adlaw nga kinabuhi sa mga ministro ug sa mga miyembro:

Paglahutay sa mga kalisdanan — 2 Corinto 6:4–5

Pagpamunga sa bunga sa Espiritu — 2 Corinto 6:6

Pagmatinud-anon ug pagkamatarong — 2 Corinto 6:7

Pagpabiling lig-on bisan unsa pa ang kahimtang —
2 Corinto 6:8–10

Pag-abli sa atong mga kasingkasing ngadto sa uban —
2 Corinto 6:11–13

Pagbulag sa atong kaugalingon gikan sa makadaot nga impluwensyasa mga dili magtutuo — 2 Corinto 6:14–15

GITAWAG

- Pahawa gikan sa mga dapit sa sala
- Ibulag ang inyong kaugalingon gikan sa mga makasasala
- Ayaw paghikap sa bisan unsang mahugaw

SANGPUTANAN

- Magpuyo ako uban kaninyo
- Ako mahimo nimong Dios
- Kamo mahimong Akong Katawhan
- Dawaton ko Kamo
- Ako mahimu ninyong Amahan


**ANG RESULTA SA HINIUSANG
PANINGKAMOT**

ANGKAHUPAYAN UG KALIPAY

Pagpahilayo sa atong kaugalingon gikan sa makadaot nga impluwensya sa mga dili magtutuo — 2 Corinto 6:14–15

Bisan pa sa mga problema nga iyang giatubang, napuno gihapon si Pablo sa kalipay.— 2 Corinto 7:4 Unsa man ang hinungdan niini nga kalipay?

Nakasulat si Pablo ug mapig-oton nga sulat ngadto sa mga taga-Corinto, ug kini nakapasubo kanila.— 2 Corinto 7:8 Apan ang ilang kasubo nagdala kanila ngadto sa paghinulsol.— 2 Corinto 7:9–10 Kini nga paghinulsol nagdala ug hingpit nga kausaban sa ilang relasyon kang Pablo ug sa ilang relasyon sa usag usa.— 2 Corinto 7:11–12



Busa, adunay kahupayan alang sa tanan. Si Tito, nga kauban ni Pablo, nahupayan.— 2 Corinto 7:7. Si Pablo usab nahupayan tungod sa pag-abot ni Tito.— 2 Corinto 7:6. Ang mga taga-Corinto nahupayan usab, ug ang ilang kahupayan nakahatag usab ug kahupayan kang Pablo.— 2 Corinto 7:13

Apan wala gikuha ni Pablo ang dungog alang niini. Kon ang mga pastor ug mga miyembro makasinati ug kalipay ug kahupayan, kini tungod kay ang Dios mao ang “nagahupay sa mga mapainubsanon.”— 2 Corinto 7:6

Ang ministryo nagpasabot ug pag-alagad, ug kitang tanan gitawag ngadto niini nga ministryo. Usa ka kaulawan ngadto sa Dios kon ang usa ka tawo mopili sa kinabuhi nga alang lamang sa pagpahimuot sa iyang kaugalingon. Mga igsoon kong lalaki ug babaye, nakaamgo ba kamo nga matag tuig linibo ug linibo ka mga kalag ang nagkawala, nangamatay diha sa ilang mga sala, tungod kay ang kahayag sa kamatuoran wala maipadan-ag diha sa ilang dalan?”Adunay dakong buluhaton nga kinahanglan buhaton dinhi sa atong kalibutan. Ang mga lalaki ug mga babaye kinahanglan madala ngadto sa pagkakabig, dili pinaagi sa gasa sa mga pinulongan ni pinaagi sa pagbuhat ug mga milagro, kondili pinaagi sa pagwali kang Cristo nga gilansang sa krus. Ngano man nga langanon pa nato ang paningkamot sa paghimo sa kalibutan nga mas maayo?